



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

# ILANG-ILANG

J. N. DEVILLA



Imprenta, Librería y Papelería de J. Martinez  
Plaza Moraga, N.os 34 y 35. (Binondo).—Manila, I. F.

# **BIBLIO-FILIPINO**

P.O. BOX SM - 116 STA. MESA  
MANILA, PHILIPPINES  
TEL. 61-12-18

Hosted by Google

ALAMAT  
N G  
ILANG-ILANG

KATHA NI

*José N. Sevilla*

MANUNULAT SA "BUHAY PILIPINAS"

Unang pagkalimbag

MAYNILA S. P.—1908

LIMTAGAN NI E. C. ESTRELLA  
BUSTILLOS BLDG 9, (SAMPALOK) TELEFONO 1199

ANG G-DESGUIN  
ANG WALANG TATAK

*José N. Sevilla*

STOR

PL

6058.8


.S52.

---

***Aring tunay ng Kumatha***

---

Manila  
Worcester PC  
11-15-83



GL Storage

UID 53-B32614-1

OC 2

10 6-83

5-15-86 Ilang-ilang

Niaó'y buwán ng Diciembre at ang malamíg na simoy ay umáanyaya sa tanáng na sumangap ng maligayang sandalíng iniáalay ng kaparángan, at bagá man dito sa ati'y di kaugalian ang magaksayá ng panahón sa paglilibáng, ay ilan kong mga kaibigan ang nakipag-yari sa akin, na kami'y maglaktáy sa kagubatan ng Mindoro, upang doo'y magparaan ng maligayang panahón sa pangangaso.

Hindi naglipat araw at guinanáp namin ang pinagkásunduan at karakara-ka'y ang aming mga áso'y naka-amóy ng lungá marahil ng usá kaya't unahán kami ng sumunód sa tungó ng kaniláng

mga tahulan. Sa pagtugaygay na iyaó'y nátiwalág akó sa aking mga kasama at sumandalíng humimpíl sa lilim ng isáng mayabong na kahoy na di ko alumana kung anó ang kanyang pangalan, bagá mang labis akóng nápapataká na sa gayong ilang ay masamyo ko ang di maisaysáy na bangó na lubháng laganap sa kagubatan na pinaibayuhan ang bangó ng sa tanáng sampaga.

Nakaraan ang isáng malakíng bahagui ng araw at ang pagkainíp ay sumagui sa akin, sa di pagkaringíg ng anománg hudyát na aming pinagkasunduan, at di ko naman malaman kung saán sila nápatungó. Kung sukatin ko naman ng malas ang napakalawak na gubat na namámagitan sa akin at sa kabayanan, ay lubha akóng nalululà sa di matapós-tapos na mga dawag, na sumasatitig. Ang panglulumó ay naghari sa aking damdaming di sanáy sa gayóng mga ilang at nawalán ako ng kawang lumayo pa't tun-tunin ang landas, sa panganganib na

sa pagsasápalaran kó'y makásalubong ng mababanġis na Tamaraw. (1)

Anó pa't ang pangangambá'y luma-ganap sa aking kalagayan at sa kadahilanang itó'y inihanda ko ang tagláy na baril, upang ipagsangalang kung itó'y kákailanganin, subli't lalong lumalá ang aking panginġilabot, nang mausisá kong walá ang mġa pungleong taglay at nahulog sa aming pagtatakbuhan, nġ di ko man lamaġ náalumana. Gumiyaguis na nġá sa akin ang lubháng malaking pangangambá at nġ tumamá ang aking mġa titig sa nangungulimlím na pananglaw sa Sandaidig, ay napagsiya kong nangungubli nang nagmamadali sa likod nġ isáng matarik na bundok sa kalunuran.

Arg pag-aalinlangan ay namalagui pang sumandali sa pagayóng anyo na nakapa-

---

[1] Hayop na sakdal bangis na pagkaamoy sa tao'y sinisila; ito'y kawangki nġ kalabaw бага man may kaliitan, at kailan may hindi napaaamo.



n̄ng̃ilabot na bantá n̄ pagkalun̄gi at lubháng binabagabag ang di ko hira-ting kalooban sa gayong kasindak-sindak na kalagayan, nang sa di kawasà'y nakamalas ako n̄ isáng matañdâ, na nagbubuhat sa kalaliman n̄ isáng masukal na yun̄gib na makubli't máma-tâan ko sa kasukalan n̄ gubat.

Sa pag-áantay na itó sa inaasahang tagapagtangol marahil sa kapan̄ganibang kong kinalalagyang, ay sumaguí naman sa aking ala-ala ang m̄ga singaw lupang lagui kong naring̃ig sa matatandang alamat na ibinadhâ tuwi na, n̄ nangamatay ko nang m̄ga nuno. Baga mang ang pagkatakot ay labis na nagpapasakit, ay pinapaghari korin sa sarili ang mayamang aral n̄ CATOLICISMO, na pinagsikapan n̄ aking m̄ga magulang na siya kong palaguing panangnan sa anó mang kapan̄anyaya ang haharap at ang pakatiwalâ kong itó'y siyang bumubuhay n̄ aking loob.

Sa aking mahabang pananalangin ay

dumating din ang inaantabayanan nang  
hindi man lamang ako nainip at pag-  
kalapit niya sa aking kinalalagyan, ay  
naulinig ko pa ang ganitong pag-aawit:

Oh hiwagang lagui sa m̃ga pangarap  
aliwan ñg laguim na nagpapahirap

Ikaw ñga ang siyang  
wagas kong pag-asa, na magkakandili  
sa luoy kong puso na pinakaapi

at tuwi-tuwi na'y

inayop ñg dusa;

at siyang hantungan ñg m̃ga paghamak  
ang niluñgoy-luñgoy ñg aba kong palad.

Ikaw din ang kusang lubos sumiphayo  
sa niluhog luhog ñg aba kong puso;

at dina na awang

mag gawad maglagda ñg hatol na imbi  
na siyang papatáy sa abang kumasi't

walang kasalanan

kahit na ano man,

kundi ang sa iyo'y lubos na isuyo  
ang iyong nalamang hindi man kinuro.

Kung ang mga laguim  
 at pagkahilahil  
 siyang magdudulot sa iyo ng saya  
 iyo ng sabihin  
 at aking gagawin  
 ang ano mang ibig na ipababata  
 kahit ikaputi ng aking hininga.

---

Pagkaraan ng kanyang pagaawit ay tumanong.

—Anó, anak ko ang naghatíd sa iyo dito sa ilang na poók?

—Oh! kagalang-galang na matandâ—ang aking tugon—ang maling akalang aksayahin ang panahón sa paglilibang at ligaliguin ang nangatatahimik na hayop sa kanilang himpilan.

—Ikaw baga'y nag-iisa?

—Sa ngayon po; pagka't ako'y napa-tiwalag sa aking mga kasamang hindi ko malaman kung saan nangapasuot.

—Lubhang malayo ang iyong kinapatunguhan.

—Anó pong pook ito?—ang usisá ko sa kausap.

—Itó ang lupalop na pinamagatang Ilang-ilang —ang tugon sa akin.

—Ilang-ilang!... Anó po ang kahulugan niyaón?

—Ah! iyao'y isang buhay,—sumandaling nagkuro ang aking kausap at saka ipinatuloy—Yamang hindi ka rin makababalik sa kabayanan, samantalang hindi umúumaga, ay pakíngan mong sumandali ang isasalaysay, kasabay nang anyayang magparaan kami ng mapang-law na gabí sa kanyang kublihan.

Nagkakaakbay kaming lumusong at hinawi ang nangangapal na talahiban, samantalang ang sisikdó sikdó kong puso ay nagbabalitá sa akin ng isang bagay na mahalagá.

Sarisaring gunità ang sumaisip, balintulot yaring loób; ngunit hindi ko magawà ang umurong pagkapalibhasà'y lalong mapanganib ang matulog sa parang.

Pagkalipas ng paglusong namin sa

madilim na yungib na kinamataan ko sa matanda, ay sinapit ang kanyang tahanan, doo'y guinanap ang kanyang pangakong ibuhay at ang binanguit na alamat ng Ilang-ilang ay sinimulan na.

—Nalaman mo anak ko: Magbuhat nang ako'y gawaran ng sumpâ ng Makapangyarihan, ay hindi na ako nagkapalad na makaulinig ng tinig tao. Laguing gumiguiyaguis sa akin ang bigat ng kahatulang iyaon sa nagawang kasalanan, sa hindi rin iba't tunay kong anak na pinag-isipan kong gahisin, nguni't ang gayong napakahamak na gawa'y pinagdurusahan ko ngayon ng isang napakahirap na parusa, gaya ng tinitiiis kong pagkawalang kamatayan, ó pamamalaguing mabuhay sa ganitong ligalig.

—Paano po ang nangyari?—ang pahanga kong tanong.

—Ako'y isang binatà noon—ang tugon ng aking kausap—na lubhang ma-

wilihing paglibangan ang tanang bini-bini, at lagui kong minamatwid kangino man na hindi ano mang kapanagutan sa mga ipinasyang "*Mabuhay kayo at duma-mi.*" ang auking mga guinawa. Sa di kawasa'y nagkaroón akó ng isang anak na napakagandang babayi at sa pag-aakalá kong iligtas sa mga hibo ng mundo, kung siya'y magkaisip, gayon din sa kawikaang, *baka magbayad*, ay dinala ko nga rito sa masukal na ilang, magbuhat pa sa pagkasangól at ng huwag ng makilala ang katauhan at maiwasan naman ang laguing pagkapahamak na sinasapit ng mga walang malay.

Ang pangangalaga sa kanya'y ikinatiwala ko sa isang matandang babaying pipi, upang huag niyang makilala ang mga hiwaga sa buhay, ang lihim ng tao, gayon din ang kanyang pinangalingan. Sa tuwi tuwi na'y dinadalhan ko ng ikabubuhay; nguni't hindi ako na pakikita, upang huag magkapanahong ako'y usisain ng ano man,

Sa di kawasay nang maglalabing tatlong taón sa gayong pagkakatago ay ti. namaan ako ng kanyang mga titig at pumanaw sa akin ang damdaming ama. Nabihag ang mawilihin kong hilig na mangibig kangino man, na makapag-aalay sa akin ng pampawi ng lagui kong uhaw na hangad, at ito ang nag-wagui sa aking puso.

Hindi na ako sumusong sa kabayanau, ang kanyang kagandahan ay bumihag sa akin, at lubhang sumasal ang paghahanagad kong putihin ang impok niyang ganda na hindi ko nakita sa boong pinagdaanan sa buhay.

Lumipas ang ilang sandali ng alinlaing itaguyod ang napakahamak kong hinangad at naghari din sa akin ang dating iminamatwid na, "*tayo'y galing sa magkakapatid mag-aama, at magkakamag-anak*" at pinapaghari ko ang kanyang pagkahanag na di ipinahihiwatig ang atotohanan ng aming pagkamag-ama. Siya naman, pagkapalibhasa'y hindi

nagkapalad makaulinig ng tingig ng kanyang kapwa, ay lubhang na aliw sa aking mga pangungusap, lalo na ng maulinig ang matamis na inaawit ng kanyang ina na napaukit sa aking budhi at siya namang lagui kong inuulit, ay ginawaran ako ng mahinhing lambing inilingay ang kanyang ulo sa aking balikat at lalong naghapdi ang sugat ng aking puso at sumasal ang aking masamang hangad.

—Ano pong awit iyaon? Iyaon pu bagang naulinig ko kangina.

—Oo; yaon nga at inulit ang magandang kundiman.

Pagkatapos ay ipinatuloy ang pagbubuhay.

Dumating ang mapanganib na sandali at gumiyaguis na nag-ulol sa akin ang hibo ni Satanas, at inkala ko nang ganapin ang maragis na isinabudhi, datapwa't nang isasagawa ko na, ay di naman nagkaroon ng bahagya man lamang na pagsalansang ang aking anak, pagkapa-



libhasa'y di natatahong iyao'y sawi sa mga kautusan. Inanyayahan kong sumama sa lihim ng kahoy na ating pinangalingan, na siya kong napiling maguing saksi ng kapaslangan kong kakamtin; anyayang hindi sinalansang kahit bahagyâ at malugod pinaunlakan; nguni't di pinahintulutan ng pagkakataon na maganap, ang aking aasalin at isang malakas na buhawi'y binakli ang marupok na kahoy, na niyaong una, ay di man lamang nagagamit sa ano mang kailangan ng tao at siyang humadlang na nagbigay wakas sa aking kaawa-awang anak.

Kapwa kami napatigalgal sa sumandalin iyaon at ipinatuloy ng matandâ ang nauntól na ibinubuhay.

—Nang maganap ang malupit na hatol ng pagkakataon akin nang isinaysay pagdaka'y lumabas ang isang sugo ng Makapangyarihan at bumigkas ng ganito:

«Di mo matutuklas ang kamatayan at mabubuhay kang tagapag alaga ng kahoy

na iyang humadlang sa iyong karumal  
dumal na aasalin»

Lumipas ang ilang panahon at nang  
aking datnan ang kahoy na yaon ay labis  
akong napahangâ sa pagkakamalas na hitik  
na hitik ng mababanong sampaga at isang  
hibik ang mamutawi sa akin: "ILANG!..  
ILANG! na naging saksi ng aki  
pagkalungi kailan mo ako patata-  
warin?"—Muling lumabas ang isa ng sugo  
at ibinadha ang ganito: *Kung kailan,*  
*may mapatungo ritong isang tao na mapag-*  
*salcysayan mo ng guinanap na sala ay*  
*asahan mong pinatawad ka na ng Diyos*  
*at biglang nawala ang angel na aking*  
*kausap at ang binanguit na taong iyaon*  
*na aking pagkukumpisalan ay ikao at dili*  
*iba marahil na sugo ring nang May-*  
*kapal, upang pahintulutan Niyang ako'y*  
*umakyat sa kaloalhatian ng langit.*

Pagkaraan ng mga salaysay na ito'y  
nawala ang aking kausap at nang aking  
pinaghahanap, ako'y nagsising.

Ako pala'y nangangarap lamang.



## Ang hitsó

---

Isang ugaling hanga ngayon ay tagalay ng mga tagarito sa atin ang ipanalubong sa mga panauhin ang ngátang *hitsó*.

Ang lahat ng bagay ay maáaring malimutan; datapwa't ang alay na ito na pinagkagawian na lalonglalo na sa mga lalawigan ay tunay na hindi nakakalingantan, at naguiguing catungkulan na halos, ang maghanda, at gumamit na man, lubha pa't kung ang mag-aalay ay isang binibini.

Dahil sa bagay na itó'y pinag-ukulan ko tuloy ng isang pagkakaabala ang pagtunton kung bakit natuklás ang ta-

tlong bagay na pinaglahok at pinamagatang *hitso*.

Bakit ang *ikmo*, *bunga* at *apog* ay nagawáng pagsamasamahin, at nagagamit na pang-alay sa mga pánauhin?

Itó ang hindi abutin ng aking pagbahakà at siya namang pinagpumilitang, kahit banaag ay matuklas ang sanhi, at sa matiyagang katatanong sa mga palangângâ, ay nahalaw ko ang ibubuhay ngayon; nguni't totoo kaya ang sinalita sa akin?

Sa ano ma'y tahoín natin.

Isang hapon sa nais kong sumagap ng malamig na simoy na nakaaanya sa mga naaalinsanganan, ay nilisan kong sumandali ang lubhang maraming gawain at tinungong sumandali ang kapalit na nayoñ ng Pasay, na siyang nababalitang may malalawak na «ikmuhán.»

Dalawang bagay ang nais kong maganap sa isang kilos, at ito nga'y ang makasagap ng malamig na simoy at

mapanood naman ang maayos napagkakatanim ng halamang «ikmo,» na, halos maituturing ayon sa kabalitaan, na ang bayang iyaon ay siyang sinisibulan ng pinakabuting «ikmo» na pinagkakabalahan kong alamin; ngunit di lamang iyaon ang napalâ ng aking paglilibang at hindi ko man kinukusa ay nakaulinig ako ng isang nakalalaguim na pag-aawit na nagbubuhat sa isang masukal na bulaos na nakakalunggan ng makapal na gubat ng «ikmo.»

Tumiguil akong sandali at pinaladnamang masapol buhat sa simula ang talaytay ng *kundimang* ganitó ang hanay:

Malasin guiliw ko ang daloy ng tubig  
na nagki-kinanġan sa galaw ng batis,  
malasin ang bula sa pamimilansik  
at iyong itulad  
sa iyong paglingġap,  
at kung yaon nġa ang siyang kawanġis  
dagling kamataya'y aking masasapit.

Gayon din masdan mong napa iitaas  
 ang maputing asóng naglalakbay ulap,  
 siyá't panānorin iisa sa malas;  
     yaon ba'y kawanāis  
     nā iyong pag-ibig?  
 Kung tunay na gayon, akin nā talastas  
 na ang pag-ibig mo'y madaling manāupas.

---

Ang paro't parito nā simoy nā hanāin,  
 nakapagdudulot nā lamig at aliw  
 datapwa't kung gayon ang iyong pag-guiliw,  
     ay lubos katulad  
     nā isang pag-hamak  
 at wala na akong hihintáy hintaying  
 matapat sumintang hantungan nā daing.

---

Lubos akong nasiyahan sa kataong  
 iyaon, at nā matapos ang mapanālaw na  
 pag-sawit ay pinapaglakbay ko ang  
 isipan sa kalawakan nā māga hiwaga,  
 hinahalaw doón sa tanang malik-  
 mata, ang isang kagandahang mapag-  
 unkulan nā matimyas na tingig na aking  
 nāpakingán.

Pagkalipas ng ilang sandali, ay sumatitig ko na naman ang nagdidilim na "ikmuhan" at nanariwáng muli ang sanhing ikinapatungo ko roon, ang dati ring nais na matalos ang pinagbuhatan ng paggamit at pakikinabang sa isang halamang sakdal hangalay, na gaya ng «ikmo»; sa di kawasa ay lumapit sa akin at malugod na bumati ang isang matandâ, na tila tunay na kakilala kasabay ng malugod na anyayang magtuloy sa ka-looban ng kanilang bakuran.

Nang unang bugso, ay sumagui sa aking loob ang isang malaking alinlangan; nguni't dagling napawi at nagumpay ang mapiling amuki na ako'y magtuloy.

Pagdating namin sa loob ng halamanan ay dinatnang nakaluklok sa isang papag-papagan ang isang binibining nápakahinhín ang anyo, na marahil ay siyang pinangalingan ng mapanglaw na pag-aawit na aking kinahangaan.

Matalagháy ang kabuuan ng kanyang

maamong mukhâ; malamlam ang titig kayumanguing kaligatan ang kulay, mahayap ang ilong at nakabibihag ang maramot na nġiting nanasnaw sa kanyang guinumamelang labi.

Isang sulyap na panakâw at pagdaka'y binawi ang biglang tumudlâ sa aking puso at nġ mġa sandaling yaon ay kanyang binihag.

Tumalilis na biglang tinunġo ang halamanan pagkakita sa akin at pagkua'y pumitas nġ ilang dahong «ikmo.»

Di naglao't bumalik sa aming kinaroronan, muling lumuklok at mabihasang pinagpilas ang mġa dahong taglay at pinirot na guinawang «hitso.»

Di ko sinawaang panoorin ang mahayap na mġa daliri at tunay kong kinahanġaan, ang kainamang tumangap nġ panauhin, na, бага mang di lubhang kilala, ay pinagkaabalahanġ kawangġis nġ isang lalong matalik na kaibigan; sa biglang sabi ang kaugaliang mag-alay nġ «hitso» ay kanyang tinupad; nġuni't hindi



ako marunong ngumanḡa; at sa nais kong mapaunlakan ang kanyang pagka-ka-ala-ala, ay kumuha ako ng kanyang malugod na iniaalay, kasabay ng isang maguiliw na usisà sa matandà na kung bakit nátuklås, na ang bunga, iyaong mapakla at walang saysay na bungang kahoy na di nagtamo ng ano mang pamagat, at ang «ikmo» na lubhang mahanglay, ay kung mapalahok sa nakapapasong «apog» ay napag-ayaw, at ayon sa naging hilig na kinaguisnan ay siyang naging panalubong panauhin.

Nang una, ay inakalà kong ang pag-uusisà ay naaksayá at di ko batid na ang itutugon sa akin ay lubhang mapakinabang at mandi'y mapaniniwalaang iyaon ngà marahil ang pinagbuhatan ng «vicing» ngumanḡa.

Isang ganap na kasáysayan ang kaniyang sinalitá na uulitin ko ngayon ayon sa nalabi sa aking ala-ala:

Anyá'y nang mḡa unang dako, na ang pagngangḡa ay hindi pa kilala; ang hala-

mang ikmo, ay lubhang gumugubat, at sampuonang nangaglaboy na hayop sa kaparangan, ay hindi magtamong pakinabang sa halamang tinutukoy.

Bakit kaya siya pinasibol kung walang kapakinabangan?

Maraming pagsusumikap ang guinawa, upang huag ng muling sumibol, datapua't isang halamang hindi magad ng maglilinang pagkapalibhasa'y walang pakinabang at isang himutok na inulit ng mga nahuhuli ang sa kanya'y iguinawad ng mga nauna sa atin.

«*Halamang walang pakinabang, kailan ma'y di mamamatay*» at ang himutok na tinukoy ay naguing sumpang iniukol ng mga nahuhuli sa ano mang bagay na walang mai-dulot na kapakinabangan.

Isa pang halamang lubhang nanghahaguay na may masagananang bunga, ang hindi rin pakinabangan at siya namang pinag-uukyabitan ng halamang «ikmo»,

Sa kasaganaan ng bunga ng halamang ito

na, walang mapaggamitan, ay hindi pinagkalooban ng ano mang pangalang pagkakakilanlan, gaya ng sibang bungang kahoy, yamang hindi rin lamang siya nagagamit, at nangasyahan na ang nanga una sa atin na pamagatan siya ng pangalang: *Bunga*.

Ang lahat ng nakilalang halamang bumubunga at nag-dudulot sa mga tao ng ano mang pakinabang, ay nagtamo ng pangalawang pangalang o pinakasinguisag na pagkakakilanlan; datapwa't ang halamang "bunga" ay siyang napakatanghi na hindi nagtamo ng biyaya mabinyagan, at ang kanyang puno ay pinamagatan na lamang ng "bunga"

Lubhang maraming salin-saling kagalian ang yumaon—ang idinugtong ng matanda—ang mga bagong sibul na batbat ng katalinuhan, ay di nangasiyahang siya'y panoorin na lamang at gamiting palamuti sa mga kaparangan, hindi nayag na siya'y hindi magamit, at lahat ng sikap ay guinugol upang maangkapán

nḡ ikapakikinabang sa kaniya; nḡu-ni't ang kanyang tingtinging. puno ay hindi maagpang sa ano mang paggamitan dahil sa napakarupok, datapwa't isang kataon, (yamang nḡinanḡanlan kataon ang mḡa bagay na nangyayari nḡ hindi kinukusa, бага mang ang lahat nḡ bagay ay nakatakda, na talagang mangyayari) ay isang tanghali umano na ang isang taong hindi pa nakasasapit sa mḡa lupalop na yaon at hindi pa nakakikilala sa dalawang halamang ating ibinubuhay (ang *ikmo* at *bunga*,) ay sinumpong nḡ pagkadayuk dok at walang malamang sulingan nḡ katutuklasan nḡ ipagpapatid gutom.

Tinamâan nḡ kanyang malas ang puno nḡ halamang hitik na hitik nḡ mapupulang anaki'y hinog na bunga, at sa paniwalang makapagdudulot sa kanyang kagutuman nḡ malinamnam na pagkain, ay dagling pumitas at linasa ang pinakalamán; subali't tanḡi sa isang matigas at mapakláng nakapaglalaway, ay

walâ siyang nalasap; bagama'y binayaan na sa kanyang bibig yamang lubhang nanunuyo ang kanyang lalamunan at iyao'y nakapananariwà.

Sa malaking kagutuman ng abang nápaligáw na yaon ng landasin, ay lumabnot ng ilang dahon ng *ikmo* na nagsusumawang lumingkis sa puno ng *bunga*, nginatâ rin at ninamnam ang mahanglay na dahon ng *ikmo*, nguni't hindi tangapin ng kanyang sikmara at ang laway niya ay lubhang kumakatay; subali't ang hindi kinukusang pagkakahalo ng *ikmo* sa *bunga*, ay nagkatalo at ang pakla at ang hanglay ay nakaayaw at nalasap niya ang isang panglibang na ngataing nakapagpapasariwa ng lalamunan. Sa di kawasâ ay dumating siya sa isang bahay at sa masidhing hangad na makakain kahit na anó, ay tinikman ang isang bagay na maputing nasa isang munting pasu-pasuan sa ibabaw ng bintanâ; ang maputing kanyang tinik-

man, ay *apog* na ipinanguguhit n̄g may bahay sa m̄ga panakot n̄g halaman.

Hindi niya sinasadya ang pagkakahalo halo n̄g tatlong bagay na hindi kilala; n̄guni't wari'y pinagtiyap ó itinuro sa kanya n̄g pangangailan̄gan ang isang n̄gatâing panglibang sa gutom.

Tinaglay niya hangang bayan ang tatlong bagay na kanyang nátuklás at ipinagparangalan sa m̄ga dinatnan.

—Aanhin mo iyan?—ang usisà n̄g kanyang m̄ga kasama sa bahay.

—Ah!—ang tugon kung nalalaman ninyo ang kapakinabanḡan n̄g tatlong ito kung magkahalo—at ipinakitang muli ang *ikmo bunga* at *apog*,—ay walang salang di ninyo pakamamahalin.

—Anong pakinabang ang maidudulot n̄g tatlong bagay na iyan?

Bilang tugon ay naglahok at inialay na pinatikmán sa m̄ga kasargbahay.

Labis daw na napahanḡa ang m̄ga dinulutan sa pagkakalasap n̄g isang ma-

bisang pampasariwa ng lalamunan, at buhat na noo'y pinasimulan na ang pag-papatikim sa bawa't dumating, na kasambahay, hangang sa naging kaugaliang ipanalubong sa panaulin ang *hitso*.

Ang salitang paglahukin ay itinutumbas nila sa salitang *pahitso*, at hanga ngayon ang mga panday ng pilak ay tinataglay pa, ang salitang *pahitso* sa paglalahok ng guinto.

Sa pamamag-itan ng salinsaling kaugalián ay binawas na ang salitang PA, sa *hitso* yamang yaon ay pangdugtong pangungusap nga lamang.

Pagkatapos ng malawig na salaysay ng matanda ay tinikman ko kapagdaka ang inaalay sa akin ng binibini at doon ko napagsiyá na tunay nang nakalilibang at nakapananariwa ng lalamunan, at kung mahirati na sa pagnatá niyaon ay naipampapawi na raw ng uhaw at gutom, ang pinagpalang *hitso*.

Sa lahat ng iyaon, at sa panganga-

nib kong ako'y kayamutan ay napaalam na, at nangakong muling babalik,

Samantalang binabagtas ko ang ikmuhang ay muli kong naulinig ang mapanglaw na pag-aawit na bumihag sa aking puso.

Sino kaya ang pinag-uukulan niya ng mga panambitang iyaon?

Siya kaya'y may katipang tumatakuil sa mga ipinangako?

Ito ang bumabagabag sa aking sarili nang papauwi na sa bahay at siyang umaanyayang muli siyang sadyain; ngunit lubos na nagpasakit ang mabisang panibugho sa kanyang pinag-uukulan at siyang sanhi ng di ko na muling idinalaw.

Oh! sabay kong natuklas ang pag-ibig at ang HITSO.





## HIMIG NĠ PIGHATI [1]

*Hinihiling sa aking  
kasayaha'y tulain,*

---

Saan man ibaling yaring pag-iisip  
nákikita'y luhà at mġa pasakit  
kahit sa sariling buhay na tahimik  
gayon din sa Bayang pinakaiibig  
ay walang lumual sa kudyaping tingig  
liban na sa lungkót at mġa ligalig.

---

Sa Bayan ang malas kung aking itanaw  
ang nanġakikita'y pawang kapanġlawan,  
magkabi-kabila'y ang pag-firingan  
na inihahasik nġ buhíng makamkám

---

(1) Tuláng binikás nġ magandang binibining  
Natalia Buencamino sa "veladang" idinaos sa,  
"INSTITUTO DE MUJERES," niyong ika 23 nġ Di-  
ciembre nġ taong 1908.

at nangagnanais tanghali't igalang  
kahit na mahamak ang sariling Bayan.

---

Sa kabila noon ay bilang pamana  
na kanilang alay sa Bayan at Ina,  
ay ang pang-aapí at pag-alimura;  
ang gayó'y kung aking mapag ala-ala  
tinis ng kudyapi ay ngángapa-ngapa  
at ayaw magbigáy ng lugod at sayá.

---

At paghamak lamang, pagsumpa't pag-ayop  
daing ng hinagpis ang itinitibók  
nalilimot tuloy ang ugaling bantog  
na mahinhi't wagás ng lahing Tagalog,  
dahil sa iilang asal na sumalot  
ng sariling yaman hindi man inimpók.

---


Ano kayâ ngayon ang aking gágawín  
sa iyong napitang ako'y paawitin  
guinaganáp ko man ng boong pag-guiliw  
ay ang lumuluwal na tinis ay daing  
at hindi pumulas ang mithi mong hiling.....  
kasayaha'y nanaw sa aking damdamin.

Pagtamanan mo na ang taghóy ng puso  
 kahit napípgtá sa luhang tumulo,  
 pagka't ang ligaya ay hindi makurong  
 kusang magwawagui sa madlang siphayo,  
 na nanġingibabaw sa puring nag-laho,  
 sa puring salantáng, lugami at hapo

---

Nakasunod kaya sa hingi mo't pita  
 ang anák na busóng sabík sa ligaya?  
 Hindi man nasiyahan sapagka't di kaya  
 ang daliting ngayon ang iyong ligaya  
 ay lubos tangapin ng boong pag sinta:  
 HIMIG NG PIGHATING" larawan ng dusa....





## Ang Tubó

Ang m̃ga alamāt kung minsan ay tunay na salat sa katotohanan; datapuwa't lubhang kailangang buhayin ang m̃ga salinsaling balitâ yamang ang karamihan ñg ating pinaniniwalaan ay badhâ niyaon, at ñg m̃ga pangyayari; kaya't ang sasalaysayin ngayon ay tunay na hindi ko na malaman kung saan ko nariñgig ó kung sa aling kasaysayan ko nabasa bagamang sariwang sariwa sa aking alála ang pagkakapangyayari.

Katanghalian daw noon ñg buan ñg Marzo, mainit na lubha ang daloy ñg m̃ga sinag ñg araw, kaya't ang kaalinsanganan, ay di magpatiwasay sa madlá, lalong lalo na doon sa m̃ga pangkating pinag-uusig ñg m̃ga batas, doon sa na-

nḡabubuhay sa pamamag-itan nḡ pawis nḡ iba at walang bilang himpilan kungdi ang madadawag at masukal na yungib sa kaparangān; doon sa lupalop na pangublihan man ay wala, at paubayang pinasaksihan sa tumutunghay na langit ang tanang kabuhungān kanilang lagui nang ikinaaaliw.

Sa panig nḡ sansinukob na pinang yarihan nḡ buhay na ito, ay wala niyaong mayayabong na halamang karaniwang sumibol sa mḡa kabundukan, na nagkakandili sa tanang magnais na sa kanya'y mangānlong, doo'y wala nḡa, iyaong malalabay na sangá nḡ nangaglalakihang punong kahoy na naggagawad sa madlá nḡ malalamig na lilim kung katanghalian, at tangi sa ilang halamang gumugubat na kawangki nḡ palasan ay wala nḡ iba pang sumisibol. Ang halamang ito'y mabulo ang pinakakatawan matatalim at nakasusugat ang kanyang mḡa dahon, at walang munti mang matuturing na pakinabang sa kanyá; ang

sino mang mapasagui, ay dumadanas ng isang di magpatahimik na kakatihán kangwarki ng tinatawag nating NALILIPA.

Umano'y sa mga kadawagang iyaón nangungubli ang mga may malalaking sagutin sa pamahalaan, pagka't doo'y hindi nakasasapit ang lalong masigasig na kagawad. Apat kataong nagkaisa ng ugali, at nangasawing mamuhay sa pamamagitan ng panghabarang, ang kasalukuyang tumatalaktak sa matutulis at nakakapasong batong maliliit na nangagsambulat sa mga landasin; ang mainit na simoy ng kataughalian ay tumutopok sa kaulang mga noó at nagparamdam ng malaking kauhan; datapwa't ang kanugnog na yaon ng mga lupalop na di sinasapit ng may matahimik na kabuhayan, ay di sinibulan ng tubig; doo'y walang mga bukal, walang batisan, at walang ano mang pampawing uhaw na matutuklas; kaya't ang pangangalit ay siyang pinagbubuntuhan,

kaayaw ng pakikiayon, yamang wala namang ibang magawâ.

Sa di kawasa'y nakasalubong sila ng isang matandang lalaki na sa kanyang anyo, ay tila may isang malakingkatanġian at mandi'y umaanyayang siya'y pakagalangin, datapwa't ang sibul na marungis na budhing taglay ng apat na tinutugaygayan natin, ay siyang nanaig, at inakalang paglibangang uruyin ang kagalang-galang na matandâ.

Ang isa sa kanilâ ay siyang unang umaglahi.

—Matandang hukluban, saan ka paroroon sa ganitong kainitan?—ang pangunang tanong.

—Ang dugo nito ang ating inumin—ang saad ng pangalawa.—Kasabay nang bunot ng itak sa sukbitan na biglang iniyambâ.

—Antabayanan muna nating siya'y tumugon, bago ganapin ang nais—ang salô ng pangatlo.

—Magsalita ka—ang pakli ng pang-apat.

—Aking hinahanap—anang matanda—ang panig na aking tinutuklasan ng pampawing uhaw.

Sa tuwing hapon—ang dugtong—kung sumasapit ang ikatlong oras ay pinagkakalooban ako ng Makapangyarihan na makásimsím ng pampawing uhaw.

—At saan ka naman kukuha ng maiinóm sa kadawagang ito, na kinai-gahan ng tubig at kinaitan ng kanyang baloug?

—Tingnan natin at tila ito ang makapag-aalay ng ating kailangang di matuklas—ang anás ng isi sa kanyang kasama.

—Kung ang pagkakatiwala sa kanya'y ating ilalagáy ay matitirá tayo sa isang kabiguan—ang paangil na tugón.

—Narito—anang matandâ—ang lagui kong iniinom kung dumarating ang oras na aking sinambit.

—Dito'y walang batisan...

—Hindi ko kailangan ang makikinaang



na daloy n̄ batis, upang ipamawi ng kauhawan; sa aki'y sukat ang m̄ga halamang inyong namamalas, pagka't sa kanya'y n̄nanambam ko ang matamis at masaganang katás, sa m̄ga oras na ang Sumakop sa tanán, ay nagsabing «AKO'Y NAUHHAW,» sa kanyáng Pitóng Wikà, bago naglakbay sa kalowalhatian n̄ Langit at tinalikdán ang pagkatáo.

—Tila ito'y may nais magpalaganap dito n̄ m̄ga katákata niyaong m̄ga mapagsampalataya n̄ kung anó anong kadayaan.

—Ang táong ito'y tila tayo ang paglalaruan—ang sabád n̄ isá.

—May orasán ba kayong tagláy—ang malumanay na usisà n̄ matandàng inaglahi.

—Ang orasán namin ay anyo n̄ araw na lumiliglig sa boong Tinakpan.

—¿Anó na kayang bahagui ang ating kinalalagyan?

—Tayo'y nasa ikatatló na n̄ tanghali; yaong oras na inaantabayanan mo

upang numamnam ng pinakanaanais naming pampawing uhaw... Hayo ipakita mo sa amin ang pagsipsip ng katás ng halamang iyong sinambit at kapagka yao'y aglahi lamang ay kaawá-awa ang iyong sasapitin.

Pagkaringig ng binigkás na ito ng nagtatapangtapangan tulisan ay lumuhod pagdaka ang matanda at idinaing sa Lumikha ang kanyang kalagayan; at pagkaraos ng pananalangin ay nagtuluyan bu makli ng mga halamanang naroon at pinanggós na sinipsip ang katás.

Pagkakita nito ng mga tulisan ay nangagsitulad sa matandâ at nakipanngos naman; datapwa't ang kanilang nalangap, ay ang di masaysay na hanglay at sa kadahilanang ito'y inasod ng palo ang kagalanggalang na matandâ hangang sa nalugmok sa mga nagkabalibaling sangâ ng halaman.

Sa gayóng kahabag habag na anyo'y nagturing:

—| Oh mga kulang palad! Darating ang

panahón na inyong pagsisisihan ang inasal na kaimbihan; págka't sa inyong panunumbalik sa puok na ito sakaling kayo'y magkapalad na tanġlawan nġ panampalataya sa ating Mánanakop, ay inyong mapagkikitang ang bawa't tilansik nġ mġa dugo ko ay sisibulan nġ ganyan ding halamán; subali't ang bawa't dito'y tumubo, ay magdudulot sa katauhan nġ isang malinamnam at matamis na katas, na siyang katutuklasan nġ tanan, nġ isang mabisang pampawing uhaw, pampatid gutom at sangkap sa ano mang kakailanganin nġ katauhan. Pinaslang ninyo ang isang nahilig sa paginilay nġ mahalagang «PITONG WIKA» nġ ating MANANAKOP, nawá'y siya ninyong laguing pakinabangán.

\* \* \*

Nakaraan ang isang munting bahagui nġ panahón, ang pagkakataon ay naging tagapamagitan upáng ang apat na buhóng ay muling mapabalík sa ka-

nilang pinagdausan ng huling kalupitan at nang magunita nila ang mga huling binikas ng napanganyayang matandang kanilang inumog, ay dumanas sila ng isang pagnanais na alamin kung tunay nga ang kaniyang mga huling panambitan, at di nalaunan, ay su-matitig nila ang mayayabong na halamang nagsisupling na pawang malulusog, matataba at lubhang mayabong, at silang lahat ay di nakapiguil ng gayong bigkas:

[Tumubo!... Naganap ang kanyang huling tagubilin.

At sabay na nangagsibakli ng naturang halaman at kanilang pinangos.

Isang malinamnam at matamis na katas ang kanilang nalasap, at paulit-ulit na binigkas na-matamis ang tubo, na siyang kaipala'y sumapit sa ating kapanahunan at ang salitang iyaon na niyaong una'y pinalalawig upang ang maguing kahulugan, ay supling, ngayo'y bigla na kung bigkasin at nakikilala sa pangalang tubo.

Bilang pasasalamat ay isang mataos

na dalangin ang kanilang pinailanlang sa kalawakan ng hiwaga at isang matamis na pag-aawit ang kanilang naulinig na ganito ang badha:

“Ano kaya yaong tinamang malas na naningibabaw sa tanang liwanag nagtaboy na bigla’t humawi sa ulap na pinaglagusan ng ningning at sinag at umaanyayang lubusang magalak yaring abang pusong sinupil ng hirap?”

“Siya kaya yaong maningning na ilaw na pumapatnugot sa Sangkatauhan, pananglaw sa gabí ng nadidiliman at sa may pighati’y pang-aliw na tunay Badhang taga-turo ng iisang daan sa mga alagad na nangaliligaw?”

“Oh kulang na kulang yaring pangungusap upang patunayan nakikitang sinag, ayo’t nagniningning, anaki’y busilak sa ibabaw niyaong buntón buntóng ulap, ayó’t bawa’t anyo ay isang pagliyang ang isinasaboy sa puso ng lahat.”

"Siya yaong Pusong Kamahal mahalan  
 na ngayon ay ating kinaháhángaan  
 Siya ang dinusta at pinakapaslang  
 ng sibat ng sala ng Sangkatauhan,  
 Siya ri't di iba ang kaguinhawahan  
 at tunay na aliw ng may kalumbayan."

Dagli silang nagtindig at pinagha-  
 nap ang pinagbubuhatan ng gayong ka-  
 wiliwiling pag-aawit, at nang kanilang  
 makita'y lubos napahangâ pagka't dili  
 iba kundi ang kaawâawang matandang  
 kanilang pinaslang na biglang nawalâ sa  
 kasukalan ng gubat.

Ito ngâ kayâ ang sanhing pinagbu-  
 hatan ng halamang tubô?....



# Pangarap

*(Sa laguing pinagalayan ng mga katha ko.)*

## I

Sa galaw n̄g tubig;  
gayon din sa himig  
na pabalik-balik  
sa lalim, at batong pinag saglit-saglit,  
doo'y namamasid  
n̄g abang pag-big  
ang kagandahan mo sa linaw n̄g batis.

## II

Ang itim mong buhok  
lugay na nag-sabog  
sa maputing batok,  
ay siyang anag-ag sa batisa't ilog  
sa dakong pag-lubog  
n̄g araw sa laot  
kung makaliglig na sa boong Sinukod.

## III

At sa pangangarap  
 ng sariling hagap,  
 aking namamalas  
 ang iyong larawang sipian ng DILAG.  
 Ampunan ng lahat  
 na mga bulaklak  
 na niyuyurakan sa mga paglakad.

## IV

Sa palad na abâ  
 kung guinugunitâ  
 ang pagdaralita  
 ay namamalas kong ikaw ay may awang  
 iniâapulâ  
 sa agos ng luhâ  
 ng lunós kong buhay at pusong mahinâ.

## V

Nguni't... | Pagkasawi!...  
 Ang abang ibinudhi'y  
 hindi namalagui,  
 Dagling binagabag, at ang pag mumuni'y



46

kumalag sa tali,  
at itiniwali  
ang aba kong palad na inilugami.

VI

Bigláng nasiwalat  
dini sa hinagap  
at ipinamalas  
Ang iyong larawang may hinampong ingat  
na nagtutulak  
sa aba kong palad  
at sa lantang pusong napapawakawak.

**Wakás.**

## Palatuntunan.

---

Ilang-ilang.....	Tudling	3
Ang hitsó .....	”	16
Himig nang pighatì..	”	30
Ang tubó .....	”	33
Pang̃arap .....	”	44

